

TOUWLECHTING STATUTEWIJZEGING

ALGEMEIN

De statuten van de vereniging Veldeke Krink Mestreech zijn opgesteld op 10 september 1984. Deno zien de statuten noets aangepas. Meh, in bekans 40 jaar tied is väöl veranderd. Nui wètten en regels zien geïntroduceerd of bestaonde zien veranderd. Meh ouch zake wie de besjiking euver digitaal middele zien anders wie 40 jaar geleie. En dus is 't, volgens 't bestuur, tied um de statuten aon te passe aon de modernen tied.

VEURGESTÈLDE STATUTEWIJZEGINGE

Hei-oonder de opsomming van de artikelen boevuur 'n statutewijziging weurt veurgesteld. Daobij hawwe v'r de volgorde van de statuten van noe aon.

Artikel 2 Doel

't Doel blijf oonveranderd.

De meneer boe-op v'r es vereniging 't doel wèlle bereike waor nao de meining van 't bestuur te beperkend. Dit höbbe v'r daarom get breier besjreve. Heidoor höbbe v'r mie vrijheid wie v'r eus doel kinne en wèlle bereike. Daobij moot wel altied oetgangspunt zien tot 't middel wat v'r inzette moot bijdrage aon eus strategische doelstelling: promotie, educatie, documentatie en consultatie. (Zuug nui statuten, artikel 4, lid 2):

Artikel 3 Lidmaatschap

Touwgevoog is tot v'r es bestuur 'n ledelies bijhawwe. (artikel 5, lid 5)

Artikel 4 Lidmaatschap (toelating)

V'r höbbe opgenome tot oonder 'schriftelijk' ouch e-mail en elektronische middele touwgestande zien. (Artikel 1)

De eis um lid te zien van Veldeke Limbörg höbbe v'r verplaots nao 't Hoeshajdelek Riggelemint.
(artikel 6)

Artikel 5 Lidmaatschap (beeindiging)

De beëindiging van 't lidmaatschap van Veldeke Limbörg es reie um 't lidmaatschap van Veldeke Mestreech op te zègke höbbe v'r verplaots nao 't Hoeshajdelek Riggelemint.
(Artikel 7, lid 1)

Stichting Veldeke Mestreech
Lutetiahof 27
6215 TL Mestreech

info@veldekemestreech.nl
veldekemestreech.nl

IBAN NL35RABO0130809454
BTW 8082.74.399.B001
KvK 14063753

Stichting Veldeke Mestreech
heet de culturele ANBI status
RSIN 808274399

Artikel 6 Geldmiddelen

't Artikel boe-in besjreve is wie veer aon eus geldmiddele koume is gesjrap. Dat gief mie vrijheid um ouch op aander menere financiering rond te kriege. Zoelang 't mer bijdreug aon de statutair doelstèlling.

Wat betröf de contributie krijg 't bestuur mèt de nui statute de competentie um in bezunder gevalle de contributie veur e lid gedeiltelek of in z'n gehiel te sjrappe. (artikel 8.2)

Artikel 7, lid 4 Het Bestuur (zittingstermijn)

De Algemein Vergadering, oftewel alle lede bijein, krijg de meugelekheid um ouch ei neet-lid touw te laote tot 't bestuur (artikel 9.2). Beveurbeeld, es hölp vaan boete-aof zinvol zouw zien. Dit bestuurslid heet bij 'n stumming allein 'n raodgevende stum (artikel 15.3).

In de statute vaan noe weure bestuurslede veur 'nen termijn vaan 3 jaor beneump en is dao gei maximum aon 't aontal termijne. Um vernuiing vaan 't bestuur te stimulere, höbbe v'r 't aontal kiere tot e bestuurslid herkeesbaar kint zien op e maxium gestèld vaan 2 kier. Daobij höbbe v'r de bestuursperiode verlengk nao 4 jaor. E bestuurslid kint daodoor maximaol 12 jaor in 't bestuur zitte. (artikel 10, lid 2)

Veur de zittende bestuurslede is 'n euvergaanksbepaoling opgenome (artikel 22). Daomèt wèlle v'r veurkoume tot v'r op korten termijn aofsjeid mote numme vaan 't zittend bestuur.

Artikel 8 Het Bestuur

Expliciet weurt noe opgenome tot 't bestuur altied moot handele in 't belaanck vaan de vereineging (artikel 12, lid 1).

Mochte bestuurslede tijdelek of permanent wegvalle, daan moot de vereineging op 'n gooj meneer bestuurd kinne blieve. Daorum zien regeling opgenome die bepaole wat 't resterend bestuur moot en maag doen. (artikel 12, lid 2)

Artikel 9 Commissies

't Bestuur blijf competent um kemissies in 't leve te rope. De zittingstermijn vaan 'n kemissie (3 jaor) is koume te vervalle. (artikel 12, lid 3)

Artikel 10 Algemene Vergaderingen

In de statute vaan noe is 't bestuur verpliech um binne 3 maond nao 't boekjaar 'n ALV (jaorvergadering) te organisere. Dezen termijn is verlengk nao 6 maond, veur 't geval dao 'n situatie zouw oontstoon tot 't neet lök um in de ierste 3 maond 'n ALV te organisere. (Artikel 14.2)

Veur 't publicere vaan 't bestuursverslaag is d'n termijn 6 maond en kinne de lede touwstumming geve dezen termijn te verlenge mèt maximaol 4 maond. (artikel 13.3)

Nui opgenome is tot de Algemein Vergadering alle competenties heet die neet in de wèt of de statute bepaold zien. (artikel 14.1)

Nui opgenome is wat 't Bestuur mèt de jaorvergadering minimaol op d'n agenda moot zètte (artikel 14.2)

'n ALV maag ouch weure bijeingerope door 'nen email te sjikke nao de leie (Artikel 18).

Es alle lede bijein zien, mage ouch beslute weure genome die spóntaon op d'n agenda weure gezat. Mèt aander wäörd, oonderwerpe die neet veuraof aongekóndeg zien. Daobij hure ouch 'n statutewijzeging of 't opheffe vaan de vereininging. (artikel 17.9)

Artikel 12 Stemrecht

Touwgeveug is de meugelekheid um, oonder veurweerde, digitaal te stumme. (Artikel 15.5 en 15.6).

Nui opgenome is tot blanco stumme en ongeldege stumme neet mèttèlle bij 'n stumming (Artikel 17.4)

Artikel 14 Statutenwijziging

In de nui statute höbbe v'r de verpliechting um de Kamer van Koophandel 'n aofsjrif vaan de nui statute te verstrekke droet gehaold. V'r zien naomelek al wètteleke verpliech um de statute aon de Kamer van Koophandel te verstrekke, dus liekent 't us neet nudeg dit nog ins in de statute te vermelle.

De verpliechting tot 't verstrekke vaan statute aon Veldeke Limbörg is 'n aofspraak die mèt hun is gemaak en höbbe v'r verplaots nao 't Hoeshajdelek Riggelemint.

Artikel 15 Ontbinding en Opheffing

In de statuten van nu is bepaald tot bij 't opheffen van de vereniging de cent die nog in kas zit, na 'n organisatie meeting met 'n soortgelijke doelstelling es Veldeke Mestreech. Meh, umtot 't um de cent geit van de lede, heet 't bestuur gemeind um de cent in ierste instantie aon de lede trök te geven.

In de nu statuten is daarom bepaald tot bij 't opheffen van de vereniging de cent die nog in de kas zit, weure verdeild onder de lede die daan nog lid zien. Eder lid krijg daan evenvöl. Zie kinne ouch same 'n aander bestemming deuren keze.

AANDER WIJZEGINGE

Neve 't verandere of vervalle van bepalinge in de statuten van nu hebbe v'r nu bepalinge in de statuten opgenome. Hei-oonder geven veer uuch 'n euverziech van de nu bepalinge. De artikelnummers verwiezen na de artikelen in de nu statuten.

Artikel 12, lid 7 Vergoedingen

't Bestuur maag geen beloening touwkinne aon 'n bestuurslid. 't Bestuur kint wel 'n vrijwillegers- of oonkostevergoeding kriegen es 't bestuur dink tot dat nudeg is. Daobij zal gelle tot dat kint zoelang dat in 't belank van de vereniging is.

Artikel 16 Voorzitterschap. Notulen.

Um deuren te zörge tot 'n vergadering altied 'ne veurzitter kint en dao altied notule weure opgemaak, hebbe v'r 'n aantal regelingen opgenome in de nu statuten.